

【十眼】（科註第五三五頁第四行）

《佛學大辭典》：（名數）

- 一肉眼，見一切之色故。 二天眼，見一切眾生之心故。
 - 三慧眼，見一切眾生之諸根境界故。
 - 四法眼，見一切法之實相故。 五佛眼，見如來之十力故。
 - 六智眼，見諸法故。 七光明眼，見佛之光明故。
 - 八出生死眼，涅槃故。 九無礙眼，所見無礙故。
 - 十一切智眼，又曰普眼，見普門之法界故。
- 出於華嚴經離世間品。是由前五眼中法眼開出智眼，自佛眼開出光明眼無礙眼一切智眼而成為十眼也。

◎如來十力：（術語）如來之十力也。一、知覺處非處智力，處者道理之義，知物之道理非道理之智力也。二、知三世業報智力，知一切眾生三世因果業報之智力也。三、知諸禪解脫三昧智力，知諸禪定及八解脫三三昧之智力也。四、知諸根勝劣智力，知眾生根性之勝劣與得果大小之智力。五、知種種解智力，知一切眾生種種知解之智力也。六、知種種境界智力，於世間眾生種種境界不同而如實普知之智力也。七、知一切至所道智力，如五戒十善之行至人間天上，八正道之無漏法至涅槃等，各知其行因所至也。八、知天眼無礙智力，以天眼見眾生生死及善惡業緣無障礙之智力也。九、知宿命無漏智力，知眾生宿命又知無漏涅槃之智力也。十、知永斷習氣智力，於一

切妄惑餘氣，永斷不生能如實知之智力也。出智度論二十五，
俱舍論二十九。